

**BOSNA I HERCEGOVINA
FEDERACIJA BIH
TUZLANSKI KANTON
OPĆINA ŽIVINICE
JP VETERINARSKA STANICA doo ŽIVINICE**

**IZVJEŠTAJ O RADU
JP "VETERINARSKA STANICA" DOO
ŽIVINICE
ZA 2017 GODINU**

Živinice, mart 2018.godine

KADROVSKO STANJE

JP "Veterinarska stanica" doo Živinice, zapošljava 13 radnika, od toga 5 sa VSS i 8 sa SSS.

(1 magistar veterinarskih nauka, 4 doktora veterinarske medicine, 7 veterinarskih tehničara i 1 administrativni radnik)

Tokom 2017.godine za vrijeme provođenja masovnih akcija cijepljenja i dijagnostičkih ispitivanja angažovana su još 3 radnika sa SSS na period od 1–3 mjeseca.

U protekloj 2017.godini rad preduzeća se zasnivao na slijedećem :

- preventivna cijepljenja
- dijagnostička ispitivanja zaraznih bolesti
- vještačko osjemenjavanje krava
- otkrivanje, suzbijanje i iskorjenjivanje zaraznih bolesti
- mjere dezinfekcije, dezinsekcije i deratizacije
- liječenje bolesnih životinja
- veterinarsko–zdravstveni nadzor
- edukacija građana i stručni savjeti
- obilježavanje i identifikacija domaćih životinja
- higijenski servis

I PREVENTIVNA CIJEPLJENJA

U protekloj godini prema predviđenim zakonskim propisima i u rokovima izvršili smo slijedeća preventivna cijepljenja domaćih životinja:

• CIJEPLJENJE GOVEDA

Protiv Antraksa odnosno "crnog prišta" u 2017.godini od strane JP "Veterinarska stanica" doo Živinice cijepljeno je 3.297 goveda.

Akcija je provedena u periodu od 09.05.–28.08.2017.godine. Cijepljenje je za držaoce životinja bilo besplatno s tim da je kanton učestvovao sa 70% a općina sa 30 % sredstava.

Prvi put na području općine Živinice u 2017 obavljena je vakcinacija svih goveda protiv virusne bolesti Kvirgava koža. Vakcinu je donirala Europska unija a cijepljenje je finansirao Ured za veterinarstvo BiH. Ukupno smo vakcinisali 3.250 goveda (svih dobnih, polnih i proizvodnih kategorija).

• CIJEPLJENJE PASA

Cijepljenje pasa i mačaka protiv Bjesnila, rađeno je tokom cijele godine. Ukupan broj cijepljenih pasa i mačaka u 2017. godini iznosio je 661.

- CIJEPLJENJE SVINJA

Cijepljenje svinja protiv svinjske kuge rađeno je u septembru 2017 godine i ukupno je cijepljeno 83 svinje raznih kategorija. Razlog smanjenog broja cijepljenih svinja leži u činjenici da se svinjogojstvom bavi veoma mali broj poljoprivrednih proizvođača i građani kupuju svinje za klanje koje su već završile tov.

- CIJEPLJENJE OVACA

Program o suzbijanju Bruceloze za period 2009–2018 god., koji se zasniva na cijepljenju ovaca i to prve godine sve kategorije, a kasnije samo jagnjad starosti 3 mjeseca i više. U prošloj godini vakcinisali smo 1.450 jagnjadi starosti 3 i više mjeseci protiv Bruceloze. Ujedno sa provođenjem navedene vakcinacije urađena je i vakcinacija ovaca protiv Antraksa ukupno 1.870 ovaca. Troškove vakcinacije ovaca protiv Bruceloze snosio je Ured za veterinarstvo BiH, a troškove za cijepljenje protiv Antraksa iz budžeta Općine.

II DIJAGNOSTIČKA ISPITIVANJA

– DIJAGNOSTIČKA ISPITIVANJA KRAVA

Dijagnostička ispitivanja muznih grla na Zakonom propisane zaraznih bolesti (Bruceloza i TBC), rađena su tokom cijele godine.

Program "Monitoring bruceloze i tuberkuloze" mliječnih goveda relizovan je u cijeloj BiH. .

JP "Veterinarska stanica" doo Živinice u 2017. godini obavila je analizu kod 3.006 goveda na Brucelozu, dok je na TBC ispitano 3.305 grla krupne stoke.

- DIJAGNOSTIČKA ISPITIVANJA OVACA I KOZA

Dijagnostička ispitivanja ovaca na brucelozu rađena su na zahtjev vlasnika ili nakon otkrivanja zaraženih i oboljelih ljudi .U prošloj godini urađene su analize krvi kod 50 ovaca.

– PREGLEDI SVINJSKOG MESA NA TRIHINELOZU

Ispitivanje svinjskog mesa na parazitarnu bolest «Trihinelozu» se obavlja kontinuirano svake godine,tako da je u 2017.godini ukupno ispitano 285 uzoraka svinjskog mesa, pri čemu nismo otkrili pozitivne slučajeve na Trihinelozu.

– PREGLED PČELINJEG LEGLA – AMERIČKA KUGA

Zadnjih godina na našoj općini u saradnji sa UG "VRIJESAK" radi se uzimanje uzoraka pčelinjeg legla radi ispitivanja na Američku kugu. Tako je u 2017.godini uzeti uzorci od 61 vlasnika koji imaju oko 1.956 pčelinjih zajednica. U 2017.godini potvrđeno je 12 pozitivnih uzoraka pčelinjeg legla na Američku kugu. Nekoliko godina unazad bolest pčelinjeg legla "Američka gnjiloća" pojavila se na području naše općine,a uzrok je navjerovatnije selidba pčela na tzv. ispašu na druga neispitana područja (drugi Kantoni, općine).

III VJEŠTAČKO OSJEMENJAVANJE

U protekloj 2017.godini vještački je oplodeno 4.702 goveda. U 2017.godini smo nastavili sa realizacijom plana da jedan dio sredstava iz budžeta,a koji je namijenjen za Program mjera zdravstvene zaštite domaćih životinja izdvojimo za vještačko osjemenjavanje,kako bi se konačna cijena naše usluge smanjila za naše farmere.

IV TERAPIJA I LIJEČENJE ŽIVOTINJA

Što se tiče liječenja oboljelih životinja, u 2017. godini je urađeno više veterinarskih intervencija u odnosu na prethodnu godinu, ali cijene usluga su ostale nepromijenjene već godinama!

V VETERINARSKO–ZDRAVSTVENI NADZOR

U obavljanju veterinarsko–zdravstvenog nadzora nad proizvodnjom i prometom namirnica životinjskog porijekla angažovana su tri doktora veterinarske medicine. Na području općine egzistira nekoliko firmi koje se bave proizvodnjom i prometom namirnica animalnog porijekla. Svi ti objekti su pod veterinarsko–zdravstvenim nadzorom u smislu pregleda namirnica animalnog porijekla kod istovara, pretovara i utovara. Pored pregleda vrši se i redovna deratizacija i dezinfekcija u skladu sa pravilnicima o mjerama DDD–a.

VI MJERE DDD

Tokom cijele prethodne godine obavljane su mjere DDD–a, u vidu dezinfekcije prevoznih sredstava, skladišta koja su pod našim vet.–zdravstvenim nadzorom i dvorišta u kojima su potvrđene zaražene životinje. Dezinfekcija i deratizacija objekata i skladišta namirnica animalnog porijekla, te dezinfekcija i asanacija terena nakon neškodljivog uklanjanja zaraženih životinja.

VII PRODAJA PILIĆA, STOČNE HRANE I VETERINARSKIH LIJEKOVA

Jedna od osnovnih djelatnosti naše ustanove je prodaja jednodnevnih tovnih pilića, tučića i ručne prodaje lijekova za upotrebu u veterinarstvu. Iz navedene djelatnosti ubiremo određena sredstva koja su svake godine manja nego prethodnih godina. Razlozi za ovakvo stanje su nelojalna konkurencija u smislu bavljenja ovom djelatnošću lica i subjekata mimo zakonskih okvira (prije svih poljoprivredne apoteke). Da bi se ovo stanje zaustavilo potrebno je veće angažovanje nadležnih općinskih i kantonalnih inspeksijskih organa.

VIII EDUKACIJA GRAĐANA I STRUČNI SAVJETI

JP "Veterinarska stanica" doo Živinice tokom čitave godine radi na edukaciji vlasnika životinja i uvijek smo bili servis našim građanima kad god su tražili našu pomoć.

IX OBILJEŽAVANJE I IDENTIFIKACIJA DOMAĆIH ŽIVOTINJA

U prošloj godini na području naše općine nastavljen je projekat označavanja goveda, ovaca, koza i svinja što je jedan od bitnih preduslova za ulazak BiH u EU. Identifikacija životinja na našoj općini ne ide dinamikom kako nalaže Pravilnik o označavanju, ali se nadamao da će u saradnji sa inspekcijom i taj projekat u potpunosti zaživiti na području čitave BiH.

X HIGIJENSKI SERVIS

JP "Veterinarska stanica" doo Živinice je tokom 2017. godine ispunila planirane aktivnosti iz okvira Higijenskog servisa. Higijenski servis u sklopu Veterinarske stanice radi na principu: uhvati psa lualicu, doveze u prostorije veterinarske stanice gdje se uradi klinički pregled, zdrav pas se sterilize/kastrira, obilježi ušnom markicom, tretira antiparazitaranom terapijom i cijepi protiv bjesnila. Nakon čega se pas vraća na mjesto gdje je pronađen (po Zakonu). Ako se kliničkim pregledom utvrdi da je narušeno zdravstveno stanje psa, isti se liječi a nakon toga slijede ostale intervencije kao i na zdravom psu.

Općina Živinice mora pokušati ostvariti saradnju sa susjednim općinama kako bi se formiralo zajedničko prihvatilište za pse lualice na nivou tri općine.

Formiranjem prihvatilišta smanjili bi broj psa lualica u gradskoj zoni, kao i broj pasa u našim mjesnim zajednicama .

U budžetu za 2017. godinu došlo je do smanjenja stavke za Higijenski servis sa 25.000,00 KM na 15.000,00 KM.

Nažalost, sa ovim planiranjem sredstvima ne mogu se isplatiti doprinosi i plate za veterinarskog tehničara koji radi na poslovima higijeničarske službe i zbrinjavanja pasa lualica.

– Potraživanja preduzeća za 2017.godinu, kao i kratkoročne obaveze prema dobavljačima dostavit ćemo u finansijskom izvještaju koji će bit dostavljen u narednom periodu.

Pored redovnih aktivnosti našeg preduzeća u 2017.godini :

- preventivna cijepljenja
- dijagnostička ispitivanja zaraznih bolesti
- vještačko osjemenjivanje krava
- otkrivanje, suzbijanje i iskorjenjivanje zaraznih bolesti
- mjere DDD
- liječenje bolesnih životinja
- veterinarsko–zdravstveni nadzor
- edukacija građana i stručni savjeti
- obilježavanje i identifikacija domaćih životinja
- higijenski servis

– JP ”Veterinarska stanica” doo Živinice je u 2017. godini sklopila Ugovor sa fondacijom Dogs Trust koja radi na području čitave BiH, (finansira besplatnu sterilizacije vlasničkih i pasa lualica), bez čije finansijske podrške nebi uspjeli pozitivno poslovati.

Međutim zbog finansijske situacije i širenja posla na čitavu teritoriju BiH fondacija je znatno smanjila limit pasa za sterilizaciju a samim tim i priliv finansijskih sredstava.

U 2018.godini očekujemo angažman od strane ove nevladine organizacije koja će itekako dobro doći kako za naše preduzeće tako i za Općinu Živinice.

Tokom čitave 2017 po prvi put su plate uposlenim isplaćivane prema Pravilniku o radu i Općem kolektivnom ugovoru. Plate uposlenim su povećane a plata direktora je znatno smanjena sa koeficijenta 6,11 na 4,40. Plate nisu kasnile niti jedan mjesec u 2017.godini. Sve porezne i druge obaveze su izmirene.

Međutim općina Živinice ni do dana dostavljanja ovog izvještaja nije izmirila svoje obaveze prema nama.

– Uspostavili smo dobru saradnju sa JP ”Međunarodni aerodrom” Tuzla i RMU Đurđevik u pružanju veterinarskih usluga.

– Krajem 2017 uspješno smo obnovili međunarodni certifikat upravljanja kvalitetom ISO 9001:2015 koji među rijetkima u BiH obuhvata i poslove veterinarskog Javnog zdravstva.

Odlukom Nadzornog odbora angažovana je externa revizorska kuća koja je obavila reviziju finansijskih izvještaja za 2016.

godinu. Izvještaj revizijske kuće Šahbegović doo Živinice je bio slijedeći: Finansijski Izvještaj za 2016. godinu koji je dostavljen općinskom Vijeću Živinice nije fer, nije objektivan i precijenjen je za cca 60.000 KM.

Sadašnja Uprava i Nadzorni odbor uspjeli su u velikoj mjeri otkloniti nedostatke na koje je revizor ukazao u svojim Izvještajima, oprihodovati neka sredstva koja su se povlačila godinama, otpisati nerealna zastarjela potraživanja i završiti poslovnu godinu sa minimalnom dobiti.

– JP ” Veterinarska stanica ”doo Živinice bez obzira na situaciju koja se dešava na terenu kako sa smanjenjem stočnog fonda,tako i konkurencijom koja je prisutna na našem području,ipak ostvaruje zavidne rezultate u svom poslovanju. Moramo napomenuti da se cijene naših usluga nisu mijenjale godinama bez obzira na sva ostala poskupljenja (gorivo, repro materijal, lijekovi itd.).

Dodatno finansijsko opterećenje u 2017 godini činilo je i podizanje naknade članovima Nadzornog odbora na 250,00 KM mjesečno, a koje moramo finansirati iz vlastitih izvora, za razliku od Javnih ustanova koje se finansiraju iz općinskog budžeta. (9.000,00KM godišnje).

Finansiranje JP ”Veterinarske stanice” doo Živinice u 2017.godini

Finansiranje svih nabrojanih preventivnih i drugih mjera zaštite zdravlja domaćih životinja, realizovana su iz slijedećih izvora:

- Ured za veterinarstvo BiH
- Federalno ministarstvo poljoprivrede,šumarstva i vodoprivrede
- Kantonalno ministarstvo poljoprivrede,šumarstva i vodoprivrede
- Vlasnici životinja
- Općina Živinice

Učešće općine Živinice u finansiranju našeg preduzeća budžetom za 2017.godinu je:

- Poticaj poljoprivrednoj i stočarskoj proizvodnji 100.000,00 KM , od čega je 50% sredstava planirano za potrebe JP” Veterinarska stanica” doo Živinice

- Potrebe Higijenskog servisa u iznosu 15.000,00 KM.

Napominjemo da tokom cijele 2017. godine Općina Živinice od svojih obaveza od 65.000 KM uplatila samo 13.438,32 KM
Ostatak od 51.268,67 nije uplaćen do dana dostavljanja ovog izvještaja!

U prilogu: Izvještaj o finansijskom poslovanju

S poštovanjem !

v d direktor -a

mr.vet.sc.Saša Cirger